

## ■ GLOSSA

# Tut Donald

DA SILVIO CAMENISCH

**P**er ferm cartents perfin illuminai da la «Sönneli-partei» dastgass la visita dal Donald daventar culminaziun zenit climax da l'onn ecclesiastic-politic. Firà cumandà. Almain. Dapli che Nadal Pasca Tschuncaisma ensemen, festas da tir, perdanza da Lumbrein per insatgi, Morgartenschwinget, emprim d'avust, ballape mundial cun dals noss. Sche mo chantassan endretg sco auters e la partida populara noss fitg bel psalm svizzer! Ed è perfin «schweizerzeit» dad er tegnair la palma maun sin il pèz sco detgs Americans. Mo tup ch'il cor è in «sanester», di il Somm (BaZ).

**E**n secziuns en fracziuns da Blocherians vegni exercità, e co!, per la visita dad aug Donald. Cun tut quai che las vuschs dattan nà, cun fiu e gritta «Fire and Fury» nossa naziunala. «Ura liber Svizzer, ura». Nagina entrada zuppada en l'UE. Nagins derschaders esters. Ussa derschaders americans republicans amis dad aug Donald fiss gnanc la pps encunter.

**Q**uels bravs dretgs Svizzers, auters n'èn betg ils dretgs, pretendan per sasezs l'imni naziunal e na dessan betg na el. Noss possess e dretg. Dastgan quels quai? Quels han prendì en ostagi la naziunala. Quels tiran la povretta sin las tribunas, en salas da firmas cun acziunaris il pievel ed il chapital. Er



en il parlament «Bundesbern» per far canera ed esser vesì. Sch'ins dat perditga trasora dapertut cun pachetar or il psalm (auters fan cun auters sontgs!, er tar nus) ha in inaga suspect, tar tut respect.

**U**ssa sut l'ensaina da cultura da bainvegna ad aug Donald dastgan quels dar perditga ch'ins è millis giadas losch da la visita e ch'ins sa senta tranter da ses pèr. Republican svizzer, sch'ins dumonda mai. Jau na sun betg dumandà. Ils dus fervents, schefediturs schurnalists da la Weltwoche e BaZ, omaduas betg da tegnair. Illuminai! Tut Donald.

**Q**uels sa preparan in pau en urden. Spetgan la fin finala sin Godot Trump. Betg mo «Calöri» uschia. Quels na vulan betg sa blamar, perfin durmir uss che l'Unschì vegn a vegnir. El ha empermess, El è l'Empermess. È en in US-helicopter da l'armada en viadi sul Partenz u è quai il Güglia?

**A**ug Donald vesa ina tur. ACotschna. Jau am Vos-

Donald surri sco mo el sa far. Mettain l'inscripziun Trump Tower per ina miliarda dollars e babnossalidada. L'uffizi da cultura è fitg fitg racher, aug Donald è spendabel. Uschia è quai. #Ti dovras blera blera cotgla, u betg?, twittescha aug Donald al signur feudal. El è l'olma da la chasa imperiala giu qua.

**C**ritichers din adascus ch'in Donald na vegnia betg per divertimento da la «Sönneli» e dormia ina notg cun Melania u ina en «Haus der Freiheit» da Toni. Fatschentas. Deals. Stadis n'han betg amis mo interess. Dastgass, tenor maini da tals ch'èn al current, dar ina curta visita. La messa è buna, sch'ella è curta. #Indesch minutas, sch'ella è buna!, twittescha in Donald spir buna luna en viadi en helicopter al WEF.

**I**l «Batman» (T. C. Boyle) e «la» figura comica da tuts temps sin il parchet da la politica mundiala è arrivà. «Trittst im Morgenrot daher...» Ma è in bel suentermezdi. Fa nagut. Dus schef-editurs schurnalists, nunditgs fans e «Trump-Versteher» betg da tegnair pli, curran suenter ils pass, e tgenins!, dal Monument chau blond cravatta cotschna fitg fitg lunga e numer da chalzers 58! Almain.

**V**us na manchentais nagut. Vegn tut en Vossas Weltwoche e BaZ (betg cun SO en letg lotter?, jau crai).